

海
秋
詩
集

海秋詩集卷之十一

益陽湯鵬海秋撰

七言古詩

浮邱腐儒歌七章章五句

浮邱閣外花如霞。浮邱閣中書滿家。嗜奇擅博安有涯。
於虜一歌腐儒兮。心骨苦百年未見知音許。

出門入門愁我腸。沙蟲猿鶴浩茫茫。精沉飲藥我狂。
於虜再歌腐儒兮。鬱偃蹇古劍凋瀾積蒼蘚。

古人富貴如浮雲。今人富貴肥其身。腰犀袍鵲何分。

於庠三歌腐儒兮千裘裏同學少年列上台

青山青山吾所求松柏一榮一千秋赤精白兔來上頭
於庠四歌腐儒兮行藏愚林慙澗媿無時無

父兮母兮鹿車行弟兮妹兮山中耕飲酒有秣食有秬
於庠五歌腐儒兮拚骨肉十年不見傷幽獨

彼君子兮寄綢繆我往從之訴其幽舉杯勸我涕莫流
於庠六歌腐儒兮夢超忽步上青天攬日月

東風飄飄吹我裳羽翼苦短路苦長安得鴻鵠高其翔
於庠七歌腐儒兮老局趣乾坤笑我長碌碌

浩歌行

明月何垂垂下有萬古不照之幽蹊青松何軒軒旁有
萬古不庇之短垣短垣不倚嵯峨勢幽蹊不覲玻璃光
山居健筆拏鸚鵡此時骀駉趨公堂簿書過目霧吹雨
胥吏欺人鼠變虎矯如織手試羹湯兀若枯喉強歌舞
態薄金張蟬冕榮心知賈董文章苦政學空嗟後代歧
是非莫向同官語有時閉戶風蕭蕭十日不出醉詩騷
懷奇肯沒塵沙下乘酣欲駕滄海潮衆疑蛟螭雜螻蚓
獨誅蕢菜伸蘭若鞭轡轉地不知歇霹靂轟天那可誅

楚謠漢風自比列南箕北斗徒招要嘆息蠅聲莽嘲哂
顛倒蛾眉慙詠邑邑反成左徒怨訾訾數折元龍豪
曼倩讀書不飽粟相如作賦終羈瘁撫長劍倚蒼昊才
人莫浪怨秋風佳人莫浪怨春草春草雙飛蝴蝶黃蕩
子不情獨居好秋風凜冽摧肺肝有酒可飲愁可掃曷
爲呵壁書問天少年不樂老可憐

山中長者行

山中長者戴

亦與文卿

意氣慷慨家不貧書史關心廢

農圃春秋燕客烹雞豚山樓綺席鋪桃杏樹上提壺勸

酩酊自翻新曲。佐舉觴。憾少神方。教駐景。黃金散盡。不
復來。白頭野望。一何哀。霜落布衾。腰脚凍雨。穿茅屋。兒
童猜於虎。達士常落魄。埋骨荒山天漠漠。野桃吹墮新
涕洟。燕子悲尋舊樓閣。可憐人事隨塵沙。盛往衰來殊
未涯。草枯枕麴劉伶土。煙鎖呼盧劇孟家。却憶小時得
周旋。私談父執何巋然。季布平生無二諾。賈生才調有
千言。世上鷦鷯笑鵬鶚。才豪氣猛功名薄。老死湖湘人
不聞。冷月愁雲叫猿鶴。

山中故人行

山中故人孫

亭

與趙午布衣結交期到老面如霜雪皚

皚白文似雪霞簇簇好楚謠漢風入彫琢甯勤董篤恣
探討囊無寸金羞語貧胸有千端誰能曉酣歌縱酒浮
邱巔敝裘破帽長沙道念昔山中百無事與我角逐飛

篇藻君方名譽里開高余數春秋輩行小初如短柳倚
長松漸乃老驥怯驟裏憑凌叫嘯吐鏗轟揮霍紛紜挾
天矯而君奮臂強支撐失勢一落折指爪衝風突電摧
狂雷擊蛟縛鯨掩鷺鳥旣余斂手自驚愕稍示退讓還
城堡夜深不聞人馬聲子復乘間來急擣再接再厲無

顏斜七縱七擒俾怯倒各詩輸誠隸部前坐令隴弱兼
包掃當時酣嬉雜嘲諷爾來離別增綿藐楚山一碧燕
山蒼何處逢君置清醪方今

聖人貴文章搜巖剔谷羅楚寶或有徵招來做廬歎見
精誠格蒼昊不然長老橋柚鄉亦足上做蓬萊島貴游
笑元生險巇幽居慎莫愁孤悄朝晞暮喈傷肺肝屈悲
賈憤非壽考試擣大藥從兩童且採柴芝尋四皓古寺
橫琴鹿出聽澄潭結網魚可飽生徒絡繹攜酒漿妻子
伶俜拾黎棗桑桑準抽再熟蠶薄田自打青精稻蠶蠶

朝行我心悲。安得結鄰傍松篠。

此日可惜行示兒子

此日可惜理可較。持鏡照余豈其耄。余方五齡頗英妙。
六經以次資坐嘯。十齡搖筆已兀傲。高崖巨壁紛奔峭。
又如白波刷泥淖。中有杲杲春陽耀。汝今六齡性單剽。
授汝十篇三五耗。兩指耽書奈生拘。口銜殘墨奴子誚。
頭角嶷嶷整巾帽。賭梨覓棗成桀驁。或持杖擊輒騰趯。
潛形匿跡依堂窔。馬服戰鞍王良導。木就規矩匠石肖。
曰汝梗概其有造。不龍不豬我心搖。東隣老人來勸勞。

吾曹作達豈妨要乾坤萍寄流波漂但當快樂嗜糟醪
醉中往往忘杓盤盤雲決鳥恣叫弄或學空王握靈照
秀眉青髓桃花貌老者忽壯壯者少世人慘澹亮誰教
責善不祥徒刻礪一朝葬骨荒山與後嗣賢愚委覆簫
生兒聰明勿倚靠百端憂患紛纏繞鳳雛墮地鳴鵲謀
騰駒呀呀食文豹豚犬之姿勿訕笑保恆守拙能稍稍
福不崔嵬禍豈冒平行肯踏網與罩起聞此語增變嫪
行且踟躇行咀噍余坐智慧偏好樂雕肝刻腎摧心竅
詩如束筍文卷潦誰其憐之自顛倒孤芳寄林狂風掃

高才能文。君子悼腹饑。肺渴難營療。魚菜艱難冷。官弔巷深泥滑。蹇驢掉天低。月黑秋蟲叫。壯不如人吁。可料昔之所能。今悔懊。阿兒阿兒無我儆。賢者立身重圭璫。公卿走章薦。廊廟又能蘊藉如乳菹。無菑無害荷恩膏。何必文章爛如縞。千秋未見有名號。

天之南二首

天之南。雲逶迤。有姊有姊垂涕洟。停梭憶我天間之父。兮貧母兮病姊。書爲我致惆悵。義高心悄。吁可敬。男兒二十成名不足取。天寒俸薄淚如雨。蒼顏白髮庭闈苦。

仗汝黽勉烹鷄黍。

天之南江浩浩有弟有弟釣巨魚寄我情親詞美好兄
奔走嫂隨之出門鹵莽歸何時山中薯蕷可爲糧水中
芰荷可爲裳男兒不能圖畫麒麟閣便當老死耕湖湘
欲歸不歸心徜徉

雜歌六章

有夫有夫醉如泥彼夫之婦垂涕洟男吟女呻生事竭
紅顏辛苦化爲鰥嗟爾鄰婦豈卽死佐以藿鹽遺以鯁
天雖高繁霜秋夫雖醉不得仇嗟爾詰屈聲啾啾

輕裘駿馬誰家郎。十五五調名倡。晝結博徒呼五白。
夜結酒徒倒千觴。不敢語我工閑藏。汝非吾徒吾噫吁。
天地之初無賢愚。今其弗悔後焉如。

荒荒落日風淒然。盲女吹簫簫可憐。聲酸翅短難上天。
吁。唔。喟。嘶。聞。秋。蟬。朱門酒肉如山高。主人慷慨奴子豪。
嗟。汝。乞。食。何。必。簫。

有僕有僕來我家。昔兮蠢鈍今怒譁。主人不能陶鑄汝。
斥去弗忍心咨嗟。芝草無根醴無源。鸚鵡聰明豺獷賢。
爾雖細族尙慎旃。

十金買輪輪已頽。百金買馬馬忽跛。男兒舉事不稱意。
著意品題心計左。不能腰裏與驍騮。爾勿哀哀啼向我。
草枯豆肥爾食之。主人之仁不汝疵。

有鼠有鼠走踈踈。彼倦者貓甯不聞。天生汝材必有用。
汝爪汝牙雄萬人。張汝兩眼睨鼠穴。一鼠磔死萬鼠折。
天羅磔而彼黥其刑焉。能反噬貓勿震驚。

許萊山師清湘圖歌

九州山水紛可辨。清湘之清天下鮮。峯巒掩映綠雲重。
洲渚連綿白烟展。上有棕枏楓樟千丈強。下有荃蘭蘅

莊春翦翦其間士氣淑且醇刻章琢句肆龜勉夫子昔
乘使者槎天風飄飄來長沙手提一代斯文之元氣點
綴江聲嶽色爲英華湘之人兮喜公來披沙剔石登瓊
瑰木難火齊燦滿堆湘之人兮怨公返老者追隨少者
晚宮室無由發關鍵我聞退之子厚遭譴訶嫁怨蠻俗
與湖波衡山黯黯陰雲厚永州呀呀異蛇走江氛嶺稜
橫慘懷岸蘆篴竹伏怪醜豈非掉舌欺楚人千搜萬索
今何有君不見岫巒峰尖禹碑綠天地大文不可讀其
後乃有左徒之離騷坐令曹劉甫白羞躑躅又不見皇

英二女心纏綿化爲斑竹紫嬋娟穆以武陵桃花萬萬
樹十村五村鷄犬皆神仙韓柳詩文在人間湖海面目
愁混慳益陽腐生欲奮筆迅掃狂言成就刪眼中之人
今可數夫子魂魄孤往還迂倪下筆識此意舊愁新好
歸毫端堂深月白思慮絕讀書恍惚生羽翰悄然坐我
七十二峰下時與白鵬靈鷲相盤桓反疑昨夜洞庭雪
凍死蛟龍堆鼉鼉吁嗟神物不可數念此惻愴淚潸潸

夢遊浮邱行

君不見衡嶽之高高插天祝融紫蓋奔走俯伏如兒孫

遙遙相峙數百里。乃有浮邱礧礧事。卒不可以扳援左。
踏龜臺之脊背。右拔熊耳之頂巔。晨嵐暮靄斷更連。巖
花澗草無窮妍。中有苔蘚之室。入九椽。星壓衣裳。霞壓
肩。鷄豚圖籍從吾便。十年拋棄心茫然。幽州明月照我
影。夢魂飛渡浮邱嶺。嶺上白雲非世情。嶺下泉流太古
聲。松娘孃孃兮蘿冥冥。一峰初紫。一峰青。熊羆叫歇猿狖
悲。鳴猛虎呀呀蛟龍地。行竹亦爲之裂石。亦爲之驚忽。
駭膽以慄魄。迷不知其所征。此時俯仰向誰是。道旁乃
遇浮邱子。羽衣金節風飄飄。綠鬢丹顏塵不滓。秋不知

萬木之黃落。春不知。千花之紅紫。山中睡。美一千年玉。
皇召我。我欲前。宛宛舒舒。驂羣仙。青鸞白鶴。飛上天天。
上。兮翱翔。山頭兮來往。長朝飲。亢瀟暮。瑤樂澡浴。邪陰。
晞正陽。耳目聰。潁肝脾。香下視。人世皆糝糠。胡爲乎蠅。
蚊。鵲雀飛以狂。出沒閃爍。爭景光。霜摧雪折。何所望。百。
年大夢。天茫茫。於戲。仙人誠愷悌。覺時涕泣。霜衣裳。

孤鳳篇

併序

有一怪鳥止於庭樹。鳴噪不已。衆鳥又助其噪。
以囂然於旦夕之間。主人惡聞其聲。欲效賈生

賦鵬則知者以爲不祥。乃取譬孤鳳以勝之。始言鳳之本末。繼言鳳之甘苦。終言鳳之天命。用以禦怪釋疑。怡神定性云爾。

孤鳳生何方。迺在蒼梧之邱。衡山之陽。蒼梧九峰跨瀟湘。衡山七十二峰。峰峰相低昂。中有娥皇女英之秀氣。金簡玉字之靈光。上與天地精英爲藎。煦挺此孤鳳。九苞六像五色成文章。晝不見孤鳳。孤鳳方延緣乎臨烝。耒陰之野。柚橙離離。熟九夏。白茅黃蓮繫澗左。以飽以啄。無不可。夕不見孤鳳。孤鳳方容與乎祝融紫蓋之巔。

松枯蔭蔚枝蟬媛香栢血柏無窮妍以剏以集惟所便
棲何必梧桐百尺之崔嵬食何必芝草琅玕之美哉守
已營分亦已足清水白石無嫌猜胡爲乎撫雲儀刷風
翼歷九州覽八極心耿耿以長存羽飄飄而遠適凌太
清而不疑非羣鳥之所識芸芸萬類何智何愚混混一
家何衆何孤鳳曰嗟余旣祇承帝命爲羽蟲三百六十
之長曾不可與三百六十生齟齬大願天下四千五百
種類各各纓義戴仁負禮蹈信巢榮阿而集彤除榮阿
綈篠彤慘煌煌迺儀迺庭迺舞迺慶司晨於宮扈軫於

旁信時良而意美。挈儔侶以騰驤。悲哉鳳兮。上天下地。求之遍了。無同志延頸奮翼來扶將。東問北號與礮山。魍魎雀呀呀。食人肝。挈鉤。翻飛惡木端。鳳兮鳳兮。鼻爲酸。南問拒山與青邱。鵠鵠一見邑人愁。獾獾呵呼行不休。鳳兮鳳兮。顏爲羞。西問。踰次與章。莪櫟。蜚一足橫經過。鵬鳩擺弄妖火多。鳳兮鳳兮。涕爲沱。北問。灌題與蔓聯。疎斯趁人人不前。白鵝朋飛次第愆。鳳兮鳳兮。恨爲填。中問。女几與岷嶽。鵠大於鵬。毒伏胎赤驚。或駕夔牛來。鳳兮鳳兮。心爲摧。衆鳥濁孤鳳。清衆鳥歇。孤鳳鳴。嗚嗚。

喈喈爲正調節節足足無停聲小音如琴穿絲綺大音
如鐘裂長鯨徐如六竅九竅感策引切如大珠小球珥
琶行淒如霜筠烟竹笛嫋嫋亮如簾堂漢閣澹冷淡
如陽春白雪之飄灑洪如鈞天調露之鏗飴爛如九功
十部之漫衍淑如五莖六瑩之和平舜之韶周之武鳳
鳴其鳴兮古與處趙之瑟齊之竽鳳鳴其鳴兮今與殊
噫吁嚱危哉玉以珍而則足蘭以馥而焚膏龜以智而
刳腸鴻以順而墜毛孤鳳之鳴其善也如此坐令衆鳥
睚眦蒂芥生啾嘲紫燕哭黃鸝號訓狐怒阿羣驕前領

鴝鵒後鸚鵡。左名鵯鵡。右鵯鵡。訴於九頭十足三目兩喙之鳥。各各膠言銳氣思塞孤鳳之階。覆其巢。吐吐嚙嚙。颯颯紛紛。囂謀謀訛訛。工貶褒。仡仡。仡仡。肆傾撓。跋跋。躑躑。躑躑。卑高燕燕。夢夢來孽妖。徊徊。惶惶。蕩昏朝。姝姝。娒娒。濫客包滌滌。濟濟競榮彫。婪婪。踰踰。不可交。嗟爾九頭十足三目兩喙之鳥。何爲哉。出亦以參差入亦以參差。孤鳳轉張四顧。上下裴裒。乃整麒麟之駕。造鼉鼉之梁。十攀九死。叩天扉。天帝迺遣天老下。剖黑與白。手持金鏡。照見孤鳳。

心中哀日月。熒熒雷霆整。整整匪鳳之鳴。曷由其準。江漢
湯湯。泰華舉舉。匪鳳之鳴。曷由其輔。有鰥有孤。鳳則宥
之。有賾有聾。鳳則茂之。有魍有魎。鳳則揜之。有蛇有蠃。
鳳則斬之。天老歔歔太息。以復於天帝。曰。請爲若射訓。
狐弋阿犁。捎紫燕。逐黃鸝。手足僂。鸛鵲鵲鵲鵲鵲。鵲鵲
之大幽。不敢噫口。詰九頭。十足三目。兩喙之鳥。詞窮理
短。汗淋漓。駭膽慄魂。行躩踞如刳。如削。如榜。答申命。崑
山白雉。爲鳳。鋪藻采。遼海黃鸝。爲鳳。樹綱維。崑崙黝鵲
爲鳳。張羽翼。崑崙丹鶴。爲鳳。標品題。自今已往。無怠無

凶英英。將。將。熙熙。雍雍。天帝善鑒。天老善評。鳳兮鳳兮。何道不明。天帝善使。天老善承。鳳兮鳳兮。何德不成。下士大笑。紛。愴。悵。我歌變化爾其聆。

反行路難

太行峩峩。與天齊下。有平地吾息。棲黃河滔滔。沙土裂中有清流。吾渡之。請看古來行路人。愚者枯朽。知者伸。周公居東。鸚鵡惡制。禮作樂昭。其文孔孟。皇皇不暖席。道高端欲扶。崑崙屈原沈汨羅。千載爲悲辛。荀卿徙蘭陵。其書乃大醇。馬遷固國雄。投閣擬經修。史凌邱墳奔。

波身世得李杜光。茫萬丈垂嶙峋。青天白日爲俯仰。顛
風苦霧皆精神。君勿悲歌行路難。人生到此天骨完。回
我輪與蹄。莫上十步九折之巖巒。理我橈與棹。莫犯崩
山拉石之波瀾。蛟龍連蜺不能攫其肉。豺虎呀呀不能
啄其肝。紫芝擢澗秋。薤芻刪古玉。埋穴鬼物環。伯樂一過
驚駘頑。壯夫豈合長摧顏。

反妾薄命

春無不華之桃李。秋無不老之松樟。請君聽我危苦詞。
賤妾盛衰理亦常。落地爲女兒。天高無依倚。明粧靚服

爲君妍鴛鴦比翼枝連理妾心不轉滄波頭沙崩石缺
長清流君心好惡隨百草旦猶繽紛暮顛倒新人如花
工語言故人涕淚秋泫然人新人故若大夢覺者了了
迷者牽龜鶴有千齡蛾眉無百年可憐翡翠簾前之明
月半是麒麟冢上之枯烟爭妍負寵了無益銜悲茹戚
夫何言居不羨君之文窗綺閣食不羨君之玉箸瓊筵
羅幃淡泊秋光永感君宿昔還纏綿且勿罷梳結蓬頭
垢面更銷歇且勿多悲啼聲酸詞鈍君耳疑顛風暴雨
無時無皎皎河漢匿還舒百年未滿妾未死竟欲俟君

君何如

公無愁

公無愁。愁來無端去。無秋萬古之淚。如江海。雖欲汰愁。
愁不休。飛何必蓬萊。方丈之縹緲。止何必瓊宮玉宇之。
雕甍。食何必龍鬚鳳臆之甘美。臥何必丹衣熏繹之炳。
彪。哀歎。叫短枝枯魚。思寒沼窮鱗。宜醜姑病馬。怯長道。
吁嗟乎。公無愁。人生氣勢。未應早朝日照。槿槿花妍春。
風開桃桃花了。九十光陰。頻耗磨五千道德。自探討子。
雲。草元丹。轂遲相如。作賦黃金少。撐天令名垂。千鈞閉。

門高臥。澹一飽時之人。謂我我弗應。呼我我弗求。青天
夜復旦。明月缺還周。太行之山有墜土。黃河之水有倒
流。一俯一仰涕泗沆瀾。一好一惡乃見肺肝。衆毀銷金
羣飛刺天。誰知予心之太息。風雨變幻紛紛然。君不見
萊子妻行藏了了笑。質緣又不見塞上翁。得亦不喜失
不酸。吁嗟乎公無愁。但當讀書飲酒消長年。

張生詩

張生來自湘江潯。天地一葉秋。風深肝腸碎。兀堆愁霧
十攀九死雪滿簪。達於幽燕涂萬尋。懷刺漫滅羞淫耽。

王侯酒肉不可饒來依於余不余愁風晨暑夕無窮探
筆力不古亦不今荃蘭立澗蕢藂侵瓦礫中封球琅琳
彼姝豔麗寒無衾我爲蕩滌酸與醎烹龍飢鳳味所甘
又如老農稊稗芟禾黍油油畝之南漸能駿馬踏重銜
嘶風躡電奔趨趨猛氣欲作何炎炎以長擊短羣醜殲
陸斷水截橫鋒鋌褒公鄂公弗能兼迺謂走也時雨酣
闢愚振鈍工摩漸摳衣拜跪至再三願竟所業心不廉
吁嗟行路無苔岑中含齟齬貌徒歆玉帛堆庭文章織
萬言不能抵一縑我今懷懷道在擔低心黽勉避謗讒

子張我軍守其箴。感謝至骨涕淚含。

送吳二歸益陽

歲云暮矣。霜雪酣天。風蕭蕭吹。短衫世間。摧挫多奇男。
欲語不語。涕淚含豈。無洛陽治安篇。中朝大官費扳援。
九陌車輪狂未已。五侯賓客軟可憐。歸與歸與資水曲。
桃花江上蝸廬束。筆耕力破飢凍荒。山居自覺乾坤足。
樂莫樂兮柴門幽。悲莫悲兮走道周。浮邱先生可憐蟲。
飄然離家今七秋。龜臺明月驚池水。極望不見使人愁。
有父白髮如雲稠。有母善病聲呶嘔。有弟有弟驅黃犢。

淡煙斜雨笠橫頭。家書一季祇一束。看雲步月心悠悠。
子歸道出紋波洲。淚灑子衣痕可求。老弱牽攀訊我憂。
訊我憂君勿語出。門萬事不稱意。老弱不知其辛苦。或
恐聞之涕如雨。

新吏悲

友人登第得官適有悼亡之慘作新吏悲以言
其情

蒼天高高不可呼。新吏未歸舊婦無。新吏踴春行身披
官錦垂瓏玲。舊婦守鄉里。明月不照影。零丁雲黯黯。陰

風至佳人在牀慘不食夫迢迢別離深極望不見愁人
心千里相思魂魄斷百年有定蘭荈換婉轉蛾眉旦旦
愁淒迷杜宇聲聲喚自傾連理兩心投布被荆釵春復
秋生憎野處無鸞話傳語長安重虎頭虎頭男子歛翱
翔走馬射策君東堂鴻雁書來登上第鴛鴦枕畔破愁
腸愁腸病骨強扶起乾雀楂楂門楣喜紅閨亦解蒸蘂
傾黃土劇看粉黛委人事悲歡莽相送膠弛絃斷吁可
痛貴賤不移義重山死生無那天如夢天如夢愁憾長
新吏歸來天雨霜羅幃悄悄蟲吐吭松楸鬱鬱狐走旁

桃花柳絮隨流水。玉臂雲鬟空夕陽。請看舊時嫁衣裳。
淚痕萬點誰能詳。

對酒歌三章章五句

秋風如波月如霜。青天蕩蕩愁我腸。何以解憂惟杜康。
左列瓶罍右杯觴。大醉不醒聊徜徉。

昨日飲酒對春風。今日飲酒對秋風。春風秋風豈有意。
人歌人哭難強同。有酒不飲涕淚紅。

天空月白河漢橫。照我兩鬢何星星。此時一舉累十觴。
旨酒爲重餘爲輕。仰天大笑開我情。

蔡志行

併序

蔡志直隸永清人其父死於蠹役程德明之手
志陰蓄利刃爲父報仇遇役於塗而殺之自首
其事縣官竟寘之法志臨刑忼慨風雨晝晦會
縣官出視事忽大呼曰蔡志至矣遂仆左右扶
歸尋斃永清劉生伯埴爲余言其事爰作是詩
以表蔡志之孝而且勇焉

蔡志至矣縣官駭膽魄當奈何蔡志至矣縣官駭膽
魄當奈何信問縣官爲誰歟讀書作宦良不駸愚乃

不知殺人者死罪無赦縱汝蠹役活其軀五刑之設胡
爲乎乃不知父不受誅子復讐於禮於傳信有諸聖人
賢人教孝同其符鳴臬盤天飛鷹隼在樊籬鷹隼出擊
鳴臬毛血淋漓咄嗟欽鴟汝豈羽蟲三百六十之長不
彼臬是懲而反以鷹隼爲支離蔡志左手持白楊及右
手持仇頭走訴縣官縣官瞋目叱咤霹靂馳不畏縣官
瞋目叱咤霹靂馳爲父報讐但不疑護令非令具錦成
義高心苦斧鉞并元霧搏空昏彼白晝人不恤天所祿
蔡志爲人孝且勇爲鬼乃與天神地元訴幽獨厥惟五

行之精五獄之長各各爲蔡志茹酸吐辛鳴厥冤兩師
風伯雷公電母各各爲蔡志拊膺刺骨憤怒不可言吳
天上帝天九門虎豹狺狺守其閭合詞跪奏帝納焉此
情此憾弗前洗下界紛紛顛黑倒白尸其權檄召閻羅
司汝事立遣夜叉翻以翻提挈蔡志誚踪跡不令逃逸
縣官魂於虜蔡志至矣縣官駭膽慄魄當奈何黑雲塞
戶日月弗過生不懲其蠹役禍黎烝死又留其穢德失
令名地下見蔡志頓首帖帖出涕泗君乃荆軻聶政之
勇曾參閔騫之孝縣官譏矣不諒君意太行高高出天

頭。滄。海。之。深。潤。九。州。高。不。可。以。補。縣。官。之。庫。深。不。可。以。
洗。縣。官。之。羞。蔡。志。死。固。千。秋。縣。官。死。亦。千。秋。蔡。志。千。秋。
乃。令。人。搏。黍。藝。稷。來。享。祀。廉。頑。立。懦。相。勸。酬。縣。官。千。秋。
乃。令。人。條。其。生。死。爲。炯。戒。怵。心。刮。目。無。時。休。維。木。有。繩。
室。則。成。維。形。有。鏡。妍。媸。明。爲。民。司。牧。愼。莫。披。猖。請。歌。浮。
邱。先。生。蔡。志。行。

妬婦篇 併序

有。納。姬。於。江。之。南。者。甚。美。其。大。婦。弗。能。容。也。讒。
而。逐。之。余。竊。悲。夫。美。者。之。不。容。於。室。而。讒。者。之。

不可爲訓也作妬婦篇以昭炯戒焉

誰家琴瑟駭殺人。朝聞詬誶暮酸辛。容顏只是無鹽侶。
家世來從妬婦津。妬婦荒唐不可說。婦偏好黠夫長拙。
自云嬌嬈項懸瘤。教買嬌嬈膚勝雪。雪膚花貌步生香。
抱衾蕭蕭侍蘭房。綠珠態比芙蓉活。碧玉身輕蛺蝶翔。
蛺蝶飛來翡翠驚。錦衣絲履最分明。霞升洛浦陳王賦。
雨潤陽臺宋玉情。宋玉多情太顛倒。千金一笑歡娛飽。
只詠周南螽羽篇。未見河東獅子好。河東獅子吼如雷。
貌不傾城性善猜。昔擅專房私自許。今嫌尤物逼人來。

摩訶寺集

月華圓缺茫茫在茫茫羅綺易生愁恩怨教人不自由
猶輾轉時長在夢最惝恍處可憐秋可憐松柏結同心
可憾迴波桄桄咍卽如鷓鴣腸不轉敢呼貉子毀彌深
釁深只爲爭牀席解人誰向閨中索夷甫時時說李陽
蘭香的從張碩張碩風情本自多香兒歌罷雪兒歌
是非若縱鴟梟舌燕燕鶯鶯可奈何

海秋詩集卷之十二

益陽湯鵬海秋撰

七言古詩

庚寅人日歌

己丑人日風火狂燼我屋廬灰我裳庚寅人日春光好
酒酣來往長安道道旁何所見纍纍兩餓夫蒼黃踣偃
不得食性命輾轉在須臾駐馬問之應對愚恰有三百
青銅錢聊破爾愁活爾軀餓夫前來扳我車再拜致詞
情有餘家本洞庭湖上儒。兔園冊子窮居諸。乃亦夤緣

綬與符飄然遨游天北隅。文章無命先儕伍。昏黑翻恐
填溝渠。伏雨闌風不知處。十年蕭索悲徒步。東走名巷
犬噬人。西走朱門閤者怒。禿巾顛倒任捥颺。飢腸格磔
鳴寒霧。哭非哭兮歌非歌。朝非朝兮暮非暮。餓夫餓夫
爾不聞。浮邱先生與爾同苦辛。詩篇浪富金何有。卿相
知名官尙貧。嬌兒典裘顏狀忸。瘦妻拔釵禮意馴。買酒
十升連日飲。仰天大笑今年春。君不見顏氏子。一瓢未
擬陋巷死。君不見韓王孫。一飯不忘漂母恩。胡爲乎南
鄰北里競騰翮。撞鐘伐鼓開華筵。椎牛膾鳳珍羞駢。邯

鄆名倡。謠傳快心。騁意無百年。白日墮地波。吞天獄吏文。深工倒顛賓。客惟怯愁株。連珊瑚之枕碎。飛雨琥珀之杯埋。荒煙咸陽益相斯已矣。灞亭將軍誰問焉。不如浮邱先生頽然自醉醒。得亦不能爲之豔。失亦不能爲之驚。梅花已老。柳枝青。科頭箕踞樂難名。作歌匪詭爾其聆。

輓李東山前輩歌

魚不縱壑。怨潢潦劍不成虹。慙國寶東山。東山爾何爲。來往人間殊草草。馮唐無計換頭銜。明光有筆鋪才藻。

制誥已擅歐王能治行未占龔黃考傳聞嘔血事辛酸

總爲思親腸繚繞

東山讀禮歸以哀痛致疾

眾望未厭能未施凶問

猝來悲浩浩匪徒昔擾楚山隅談兵一展書生抱

君爲諸生

督鄉勇殲滅白蓮教無算

口呼鄉勇倡戎行手提賊頭擲秋草赤眉

青犢懾稜威黃聞白羽佐征討東屯雞犬得安甯南陌

桑麻不枯槁洎乎仗劍來上都詎學婢媵挾輕矯身倚

長材文武韜心恥高門旦夕造太公陰符誰復問武侯

心經枉自紹荒荒霧雨溼鴻鵠往往羈絆困驟裏當君

登第我始生逮我爲郎君已老忘年顧盼兩不欺出語

歲規冷然好。白髮英雄小子知。青天寂歷長松倒。洲含
鸚鵡淚。娟娟山落鳳。鳳音悄悄吐酸茹。辛可奈何送抱
推襟忽已了。援筆鳴咽向天南。奠君邱墓愁雲曉。

送趙鹿潭侍御歸益陽草堂歌

益水浩蕩山峩天。挺奇傑從前朝。奠江

羅喻義

正色忤

權倖天門

郭都賢

健筆扶風騷。國初已來富科目。學道咸

作君子僚。半生著述歸蓬島。公詩如鑄文。如潮已擬長
風。騁羽翰不虞一折。棲耶曹九天。闐闐不可叫。老氣昂
藏。思遁逃。近稍得意騎驄馬。終欲杖藜遠江皋。江上有

草堂讀書可以老。其下澄江水得魚。可以飽。田翁二月
賒醇醪。山童八月輸梨棗。秋風搖曳萬枝蟬。春雨綿蠻
雙宿鳥。仰天大笑挂冠去。瀟湘無際白浩浩。五陵年少
來強留。紆朱拖紫勿復道。蟬冕未是江湖人。釣竿只在
烟霞表。孤亭縹緲記三休。深谷逶迤尋四皓。朝廷縱欲
起老翁。泉石何能去清抱。送公別。悲如何。試看門前車
馬客。誰問人間安樂窩。朝營卽綬。暮爲囚。束身不得歸
巖阿。廣柳車中無限憾。夕陽亭下紛來過。連苑高樓變
荊棘。美人細馬衝風波。小子伶俜走閒散。八年濡滯愁

吟○哦○過○耳○嘲○評○渾○忘○却○古○心○骯○髒○誰○能○磨○虞○翻○骨○相○太
英○特○賈○誼○文○章○徒○輾○軻○以○此○五○中○十○日○惡○江○清○野○曠○思
漁○蓑○浮○邱○山○頭○拾○瑤○草○洞○庭○湖○尾○騎○黿○鼉○父○老○不○知○有
人○事○弟○妹○相○隨○嬌○唱○歌○吁○嗟○此○志○成○沈○疴○杳○杳○南○國○空
婆○娑○少○年○棲○遁○理○亦○頗○側○身○天○地○其○能○那○

結交行贈黃樹齋編修

古○人○結○交○如○天○河○秋○空○藹○藹○澄○不○波○今○人○結○交○原○上○草
霜○嚴○颯○颯○吹○折○倒○春○泥○浸○漬○城○西○隈○子○車○一○旬○八○九○來
三○杯○醉○據○烏○皮○几○一○廬○兀○倚○蒼○根○槐○或○時○抗○韻○鞭○風○雷

快劍長戟森張開憑陵大叫鬼神遁追琢盡銳山岳摧
忽憶金閨乍通籍我顏骭髀子輝赫往往相逢不下馬
東魚西水各有適人生貌敬有終離天下神交無驟獲
烏。庠。崇。岡。峭。壁。多。覆。車。顛。風。急。雨。多。頽。葩。奇。人。猛。士。多。
疵。瑕。論。高。豈。爲。青。蠅。滅。詩。富。未。許。黃。金。誇。子。能。百。年。從。
我。游。典。衣。沾。酒。醉。不。休。青。天。明。月。有。顯。晦。是。非。好。惡。宜。
到。頭。嗟。哉。我。友。誰。與。儔。嗟。哉。我。友。誰。與。儔。

神木謠

併序

明永樂時取木於蜀之馬湖府計庸萬夫之力

始可出水而木一夕自達於塗行聲如雷膚石
爲開至燕以其神也俾作鎮東郊今廣渠門外
皇木殿神木在焉

祖洲不死之草勿復道南荒三千歲一花九千歲一實
之樹何用驕愚者莫駭智者悟聽我一曲神木謠一解
神木在何所乃在蜀之馬湖府根盤於山旣堅旣豐枝
臥於水弗可以崩衝大若鼉鼉兮覆江海長若蟬蛸兮
拏虛空橫若栽舸兮壓天半豁若古洞兮容人蹤咄嗟
神木奇哉雄二解松柏之脂化爲琥珀爲茯苓虛星之

精槐以馨梧桐百尺棲鳳皇鳳皇飛儀儀鳴節節豈有
訓狐欽鴉來冠攫木如不神兮何以有其德臧其神其
神兮其所憑依厥惟典型三解擲瓜而怒兮誰之君飛

龍在天從以風雨兮誰之臣義塞心侈兮造作羣紛峻

宇雕牆兮固有訓於樸淳斬山斲谷兮夫役艱辛取木

於蜀兮蜀江水咽山不春四解彼桂之鳴諸侯用休彼

荆之榮兄弟式好以无尤咄嗟神木奇哉雄豈其羅爾

斧斤之慘充爾宮室之求斧斤尙可誰之人而斧斤我

宮室尙可誰之人而宮室我五解青天糝糊風驅雷轟

千里一息百靈護之以行其行騰騰其憤崢嶸匪其崢
嶸惟其德臧木之臧兮人之否自蜀徂燕兮猛且駛如
吼熊羆如走蒼兕如百萬之師或從或橫如河嶽之狀
倏伏倏起六解於序擲瓜而怒兮誰之君飛龍在天從
以風雨兮誰之臣神木至矣各各聞之震怖悲咤不知
其因謂其無因于何其臻謂其有因我心孔云忠可磔
兮義可焚維彼神木不可以斧斤俾作鎮於東郊是禱
是欣七解東郊之日杲杲炙神木兮不可以枯槁東郊
之霜切切豈不摧挫兮千滄萬桑木不裂文皇燄息道

衍無不能與木爭須臾於虜豈惟文皇歟息道衍無不
能與木爭須臾有明之社社爲墟木在明亡奈而乎八
解 崦嵫有西江有東古往今來涕淚中咄嗟神木奇哉
雄昔之日君臣歛手加敬恭今日使我摩挲浩歎心
無窮古屋斜陽兮照碑碣瓦礫堆擲兮來兒童於虜兒
童勿嬉游神木正直爾所崇於虜兒童勿翦敗神木爲
爾生悲風九解

唐鏡海太守不能讀父書圖歌

鏡海太守長者行自粵厯齊兩鬢蒼身騎五馬飄然來

帝鄉澄懷渺渺挾春水持論斬斬驅秋霜公平公平讀

何書涕泣却談先大夫勲書樓高醉萬卷覽岱篇終其

緒餘

陶山方伯願其居曰憩書樓又著岱覽如千卷

忽忽悲酸辭杖履嚴詞偉

義猶在耳深疑風雨一燈青不補松楸九泉企安得明
月之珠照古囿上下左右四旁皆我之棲宿安得霹靂
之聲呼古人絡繹奔赴變化爲我之一身泰山矗矗海
湯湯登無梯兮渡無梁先人之精依我旁翼余以飛走
且僵迺知聖處不可到涕泗橫落心悲傷公平公平爾
誠賢能以仁孝繞我腸

贈徐廉峯編修

大賢之後人寂寥往往溷濁隨蓬蒿崑山有澤及來孫

廉峯高高祖
健葦尚書

翰林扶筆事風騷同岑詩卷浩盈捧四傑

恢恢子更勇

廉峯偕顧蕪塘趙良甫楊伯夔顧南厓刻同岑詩鈔

眾中吐燄雷電

轟一字落紙山嶽重忽憶鄱陽湖水頭風顛雨急波翻

舟蒼天不斷釣韶響子軀豈飽魚龍求

廉峯嘗覆舟鄱陽

我亦

長安屋廬禿蒼黃巨燄幾燒足炎官欲遣長唼哦白晝

忽然來痛哭人生憂患有鬼神坐令鼓舞忘悲辛羨里

著書天地奧尼山鼓瑟兵戈馴屈騷自塞蘭芷秀遷腐

乃與丹黃存子。因陽侯我回祿。此事了了。證厥因與子。相逢載寒暑。直剖內心無外語。談詩說賦亦偶然。立命匡時在何許。漢廷賈誼本忠直。江左夷吾兩延佇。淩烟功臣好顏色。欲往從之心相相。春風簸蕩園花開。有酒不飲相裴裒。丈夫屬念千齡業。焉能草草埋山隈。

花之寺看海棠同黃樹齋徐廉峯作

長安十丈塵封衢。春來不見花半株。走馬城南一開眼。爽若籠中馳渴鳥。蒼眉老僧來告語。海棠一歲一紛敷。天地奢華乘俄頃。仰見白白披朱朱。森森鐵樹在其旁。

柯葉勁悍如虎鬚。屈盤豈畏狂飈拔。茂密非蒙暄景扶。
浮花浪蕊吁可憫。僕僕風雨時有無。二子坐我我不飲。
起視簷日天已晡。上馬歸來亦何有。酒醒炯炯溫奇書。

徐廉峯編修寄巢吟社圖歌

國家元氣浩無窮。蔚爲調詠垂鼎鼎。祇今作者吁可數。
以媿太平誰有功。學語小兒但蟬噪。主盟老將都龍鍾。
那掣鯨鯢障海濤。但塞翡翠媚蘭叢。男兒執筆當自強。
如領萬衆超騰驤。廣張旗幟動寥廓。靜窺奧窔收毫芒。
周詩溫柔悅我性。楚騷幽怨回我腸。曹劉甫愈盡爲鬼。

獨立萬代之蒼茫。徐侯徐侯性耽古。金版玉匱歸涵茹。
倚窗散帙春酣酣。對客揮毫霞舉舉。寫圖如見蘭心將。
題詩特仗苔岑許。天下風騷有大宗。舉杯告我情延佇。
嗟我三十走散寮。道孤心怯簡言語。不貯金屋豈蛾眉。
堪笑人情非太古。鷦鷯乖張斥鵬鶚。鼎鑊顛倒雜筐筥。
可憐謝朓驚人句。緘骨箝口私自與。徐侯徐侯吁可風。
剪剔衆作鑄頑銅。兩目爲燭胸爲籠。明瑤美玉堆長虹。
我才匪健詩匪工。翰之不速敢自崇。有如長風吹大海。
我舸不壓波濤洪。徐侯愛我且蘊藉。無使赫赫收盲聾。

招陳堯農歌

鵠欲舉馬如飛何不送我堯農北地來衡嶽之雲爛何
滄鬱不足以展爾之奇懷瀟湘之水清且蕩颺不足以
洗爾之愁眉猶復羸縵大布守鄉土爾齒爾髮未老而
先摧春風吹堯農紅萼萬片飄西東秋風吹堯農白日
慘澹揚枯蓬人生幾何忽已朽讀書說劍天濛濛抱道
堙鬱了無益及時進趣古所崇幽燕杏窠黃金臺九州
英俊紛往來宮中

聖人要鄒枚吾輩意氣要陳雷士不忘天祿石渠之精

祕交不墮翻雲覆雨之疑猜。郴州才人醉騷墨。彼居巷
南我巷北。巴陵善士韜光彩。共我爲郎今幾載。有肉在
庖有酒在罇。有庭有堂有典與墳。三人跌宕苦不足憶。
爾飄飄草莽之孤雲。玉有時而離。石魚有時而變。龍彼
漁樵之嬉遨。不如王侯之有功。彼衆禽之于于不如一
鷄之橫空。嗟哉堯農道未窮。慎勿堅老深山臥。風雨坐
睨袍笏如累黍。杖頭閒挂百錢游。天上夔龍笑殺汝。

誰謂篇

誰謂紫芝不可以山。山風吹折芝本根。誰謂神蛟不可

以浦浦水蕩析蛟處所人生實難不過百年閉門懷古
謠詠萬千修我牆屋曾不是堅好我衣服曾不是鮮青
蠅飛飛不能刺人影告于猛虎狡兔盍以利距攫枯蟬
枯蟬泣兮秋葉滴欲言不言心厯厯天地慘澹雲墨色
猛虎狡兔褻褻返顧怒不得轟轟雷與電變化爲明霞
哀哉秦越人親切今一家愷悌君子其德無涯告余滌
故以就新余亦將恐而長嗟上有白髮之纏綿下有黃
口之咿啞曷不訾省驚魂如麻涓涓者酒一濁一清厭
厭者吾一醉一醒妾如花而命薄金在篋而盜橫彼鴻

鳴之。高。危。孰。若。黃。雀。之。無。爭。彼。聰。明。之。失。據。孰。若。鸛。鷖。之。有。生。往。不。追。兮。來。可。更。吾。其。自。貶。心。惇。惇。

汪生行

汪生汪生勸爾一盃酒洗滌人間萬斛愁雄飛雌伏亦何有驥何必鬪驚駘之捷鶴何必棲雞鶩之巢乾坤但著腐儒腐涕泣迺續騷人騷讀書論世自僂俛吐哺握髮今寂寥天關碑兀羣僊嬾屑焦口燥徒呼號君不見湖楚之國浮邱生九年顛倒心縱橫文章不礙洛陽哭飢飽肯與侏儒爭短翼思奮飛冷官肆宏獎荒澗吹芝

蘭瘦骨盛徒黨九流百氏無賢愚披心寫意共來往嗟
爾淋漓變化之妙材助我長吟窮窈之衷衷有魚可煮
裘可典徑須朝朝暮暮倒樽罍吾道艱難亦偶爾世人
鹵莽何爲哉走山騎虎虎怒而瞋入海跨鯨鯨不汝馴
輸肝剖膽向誰是賂酒陷肉非交親書謁許史投銀甕
夜千衛霍進金盆箇箇枝頭變鸞鳳家家閣上擬麒麟
豈非一時朱邸客未是百年青眼人草木繁華有霜雪
王侯奄忽成沙塵灌夫驕矜繫居室李斯刻峭悲東門
雨溼蜘蛛銅爵網風號狐兔信陵墳輕薄誰醫行路子

蒼涼不弔故將軍。汪生汪生無苦辛。眼前悠悠何足論。
朝廷有道交有神。砥礪名號謝淄磷。明瑤美玉天所憐。
東南杲杲扶桑暾。

寄題益陽園林歌

讀書莫作萬里游。拔劍斫地心繫憂。骨奇骯髒倚行路。
日暮踟躕懷舊邱。白沙素石資水斜。一逕中藏君子家。
旭旦開門遠山色。夕陽流水小桃花。渚明星。細魚蝦。靜
谷轉風高。猿鳥警白鷗。長傍紋波洲。黃鶴不下浮邱頂。
青鞋布襪自來往。詩筒釣竿寄疎爽。物外日月驅蟲沙。

山中妻子飽粟橡。復聽村村雜歌舞。試問家家恥商賈。
烹雞炊黍燕春秋。度阡越陌商農圃。三月種稻八月黃。
兒童腰鎌鳥雀翔。枯桑少枝柔桑綠。大姑提筐小姑續。
此鄉不獨安漁樵。山居大抵窮風騷。蒼眉老學談屈宋。
白晳少年嗤劉曹。東家歌嘯西家和。食有魚蔬飲有醪。
衣冠一洗城郭陋。風雨不動宮牆高。曷荒荒兮馳余馬。
沙石搏搏兮燕山下。病婦慘慘陵風烟。稚子啾啾雜起。
坐官如馮唐。未厭卑悲感。王粲其能那拙鳩。巧鵲總關。
天南箕北斗。常欺我蕉鹿。終愁辨訟繁。冥鴻豈爲弓矰。

墮心飛湘水。綠迷漫夢覺。山花紅婀娜。我所思兮阮廣
文。霞衣不能嫵媚官長。嗔繡衣侍御趙夫子。鹿潭吐棄
名利如埃塵。江行汗漫釣雙鯉。村醉淋浪呼白雲。若代
山靈招我隱。明月窈窕成三人。

我所思兮兩章寄賀柘農提學黃惺溪太守

我所思兮在武昌。湖波騰天天莽茫。有美一人軒以昂。
秋蘭爲佩雲爲裳。十萬弟子羣趨蹌。美人鐘鼓何琅琅。
自我不見今幾霜。夢飛不到江湖長。有懷閨寂無由將。
魚書不補九迴腸。

我所思兮在雁門沙。繁草鬱晝晦。皆有美一人。麗以敦
蒼眉黃鬚魑魅奔。五馬莅郊麻麥繁。美人佳政何槃槃。
自我不見聲幾吞。側身西望淚潺湲。出門駐馬誰與言。
安得兩翼墮汝前。

答樞府諸前輩

養病莫矜騏驥聘。守愚莫效鸞皇棲。人生高下有恒理。
昔也忼慨今慙思。天青雨白拔君詩。君心惓款如見之。
豐頤巨顙今所器。惜我羸瘦如枯枝。三十崢嶸值樞密。
八方浩蕩馳。

綸絲盛時未枉燕許筆少年安得屈朱辭朝趨殿閣雖
方曉晚坐亭臺鷗滿池長春之館柳萬點太液無風荷
十圍競持天上神仙意一洗人間詞客悲感茲吉語良
有以直造至性非酣嬉鵬也瀟湘一腐儒時事略不知
東西生憎管葛獨經濟敢學郊島長噫嘻翱翔禁掖得
昂首討論典章如列眉沐日浴月有變化攀龍附鳳非
險巇弱羽奮飛或天意大道坦白無人擠起草肝腸何
所如御溝秋水吹頗黎

答章虛谷孝廉

松桂不習風中花。書生不省人間事。腰金拖玉文章愚。
白日起坐萬感至。少年氣力大於虎。擲筆落地拏鸚鵡。
及今悚息汗如珠。未可飛騰走風雨。開門忽枉章侯詩。
愛而不察多美詞。義長心重如飲酒。一日千醉醒不思。
男兒意氣各有適。詞壇稂莠安可知。變化阻嚼有神鬼。
時議不定如懸旗。吹嘘不到河東賦。駢儷迺小昌黎碑。
古之作者尚如此。今欲奮舌吁已遲。章侯譽我璠璣珍。
剔沙抉石求其真。嫫姆勿混西施妍。蚍蜉敢擬大木顛。
惜哉此論太孤卓。愚者不信智者噴。衡山崔巍湘水白。

虛谷比余文慎勿說向行人
以衡山湘水

公無渡河

樂莫樂兮黃鵠高飛無網羅愚莫愚兮被髮之叟狂渡
河河流一曲一萬里影沙礫石無迴波白馬紺蓋徒爲
耳其奈膠蕩滂溲何或云魑魅及蛟龍左右變化來搗
公公之材能不上天下地坐令鷓鴣蝦蟇訕笑紛無窮
噫吁嚱招公者狂媚公者毒一魑魅過百魑魅續一蛟
龍馴百蛟龍觸彼視捷捷彼齒呀呀櫻公一去不復返
賢兄小姑涕橫斜有酒如澠有肉如坻式飲且噉其樂

無涯有詩有書金石之聲天神地祇來降於楹公看世上路宛彼河中流有梁不可以徑渡徒手搏水我心憂公看曲澗水尙涇行人衣黃河浩蕩不見底自坐猛擊非人擠公乎公乎及今不悔羞無人重與歌篴篴噫無人重與歌篴篴

山陽詩叟行

并序

余習聲律不求人譽人遂不之譽也山陽潘四農學富且老能剖別古近高下以余詩合於性天出入於風騷而不苟作旣又曰詩餘事也慎

勿以此耗其用世之志。非百年一知已安得此
言作山陽詩叟行以酬之。

山陽詩叟鬚眉長。倚摘百代記憶強。江河韜蓄不可見。
酒酣論快如飛航。欲比管葛防。哂笑姑逐甫。愈參翺翔。
獨絃哀歌爲我起。相視大笑非今狂。仁經義緯足根本。
龍雕虎繡森光芒。昌明屈宋補風雅。變化漢魏驅齊梁。
今以吟哦爲兒戲。雖欲告語其誰詳。腐儒南北一書劍。
百年涕泗憂文章。叟之用心若日月。惜哉不上白玉堂。
東方誦讀飢無粟。季子衣裳秋滿霜。古來盛名皆坎壈。

叟不自挫彌軒昂。乾坤雙鬢自黑白。雞蟲萬態徒炎涼。
紆青拖紫半年少。氣浮識暗老蒼問。之不肯道所以。
貌若慙汗中難量。我能爲叟倒杯杓。醉枕其股醒若忘。
雨聲颼颼暑快人。燭華豔豔歌繞梁。叟亦因之刪忌諱。
以我詩句摧蝸蟻。蒼蛟騰波走魑魅。采鳳振羽離鷺鷥。
嗟我搖毫苦猛摯。獨扛百斛擺雷硯。閉門慘澹戰虛燄。
入夢吐吞紛古香。世有好者亦耳食。寸心得失何茫茫。
四海一叟感且怪。兀若鴈鵠蹲巖岡。人生幾何骨已朽。
吾道可倚天所昌。銘鐘勒鼎看古往。雕章緝藻亦尋常。

叟之鄉人我之師

汪文端公

漢經宋理襄廟廊吁嗟時事有

今昔故以吾輩爲弛張眼中瘡痍滿吳楚世上縹緲懷

虞唐熟思民物劇含梗豈可楮墨徒穿楊山中有田耕

有憤暫緩歸鞅觀行藏

時四農屢困公車欲結廬終老山陽

江南行送姚石甫兄

江南五月波茫然毒龍捎尾蛟飛涎急溜嚙堤官吏哭

惇飈拔屋雞犬顛有黍有稌漂壑底十縣五縣哀江邊

乾坤惠施豈有擇蒼生性命絕可憐長沙老翁控節鉞

飛章入告心煩煎

帝。揀。縣。令。五。六。人。掾。荒。拯。溺。誰。能。肩。石。甫。往。矣。秋。風。便。
馬。頭。楊。柳。橫。秋。煙。傷。心。忍。看。淮。揚。水。白。者。人。骨。青。者。天。
天。府。頒。金。妨。奸。蠹。大。梁。乞。米。愁。遷。延。昨。吳。門。採。買。河。南。米。富。家。粟。
與。貧。家。貸。餓。民。籍。莫。頑。民。聯。澹。災。夷。難。求。其。根。浚。渠。刷。
水。元。有。權。手。提。天。綱。森。智。勇。三。門。九。曲。窮。鑛。研。桃。花。竹。
箭。受。束。縛。天。吳。蚬。象。紛。迴。旋。磊。磊。隄。防。今。古。石。芄。芄。麻。
麥。東。西。阡。百。年。薈。屋。無。駭。浪。

九。重。聖。主。斯。安。眠。此。行。不。爲。金。帶。紫。元。氣。迺。以。縣。令。賢。
長。安。市。上。酒。如。泉。不。敢。狂。飲。迴。子。鞭。天。涯。合。離。風。中。葉。

吾道賢愚凡上蘊。伏枕艱難經濟志。送君慷慨平生筵。
丈夫名實施萬年。石甫往矣無涕漣。

大梁行送周小湖提學

秋風蕭蕭吹大梁。草黃露白沙飛霜。梁園一瞬千滄桑。
枚馬詞賦餘斜陽。覽今弔古心慘愴。誰其興之吾所望。
君乎磊落驄馬揚。手提玉尺評琳琅。汴州士子如堵牆。
撞鐘伐鼓趨講堂。堂上堂下吹笙簧。桃花李花片片香。
文章有神劍有光。君今去矣樂洋洋。長安市上酒卮黃。
悲秋怨別摧心腸。晨坐屋角百鳥狂。暮飛庭樹一葉涼。

仰視河漢天蒼茫。安得羽翼朝玉皇。兩霓爲車雲爲裳。
敕我遨遊三山傍。渴斟沆瀣飢資糧。耳目聰穎鬚髮強。
下與羣俊參翱翔。廣張仙訣化無方。吞者太羹吐粃糠。
賚養變作荃蘭芳。火齊木難堆滿囊。烏虜吾意悄以長。

今我不樂行

今我不樂天氣涼。出門入門涕泗滂。東鄰西舍叩不答。
走有鄉問敝朝堂。洞庭之尾益陽縣。山川淳樸人民臧。
扣角聲聲吹綠野。提筐各各攀柔桑。今年五月雷雨吼。
洪濤拍天吹過牆。鳴鑼聚衆肆堵截。急溜穿堤安可當。

土人倉猝皆樓居失勢一落蛟鼉慶大麥小麥汙泥折
十家五家白骨僵飢民暴客相倚著一呼百和紛陸梁
伐木爲戈裂巖谷破廩取粟驅牛羊可憐龍伯乍休息
遭此鼠輩重披猖離離小兒寄城下哀哀寡婦號河旁
豈無故宅庇軀體亦有敝篋封衣裳天災慘澹人事變
骨以奔走不得將腐儒別家九秋螢天寒日暮頭低昂
風俗何由返初昨水土未可數奔茫願得縣官似春氣
彼鬱者疎枯者祥不然大吏如神明誅貪按猾提紀綱
疽癰始生有伏毒陰霾不散愆太陽請看一夕醉飽心

幻作萬姓飢。溺場塞源拔。本吁無人撫。劍躑躅。徒慨慷。
手封金帛寄弟妹。血題書札披肝腸。及秋尚可種蕎麥。
臨河盍各撈蝦鱮。仰扳櫨梨間橘柚。俯拾蘋蓳交菰蔣。
男婚女嫁暫停輟。衣帛食肉亦裁量。春宜沽米勿沽酒。
冬欲典蓑甯典瑞。謀生多途但辛苦。去鄉無益終死亾。
稍宜避盜依官府。慎莫擊鼓攻豺狼。蒼天高高耳屬地。
聽我一曲心感傷。今我不獨悲鄉井。風波茫茫漫四方。
黔中楚中沒禾稼。江南江北浮屋梁。有尸不葬挂枯樹。
拏舟遠走攜空囊。丁男鬻妻哭振野。白叟呼官悲撼牀。

競請金銀發天府。不聞秔稻輸官倉。訖謨者誰我所師。
牽衣欲往道路長。秋蟲纏綿吐新月。木葉顛倒殷青霜。
食君之祿夫如何。一夜十起思行藏。

今夕行三章

今夕何夕秋風發。川水欲冰山見骨。老蟬咽啾著樹乾。
瘦蝶伶俜撲窗哭。秋風於汝意云何。嗟我與汝本殊科。
牆上之蒿不可倚。莖枯葉脫無回波。

今夕何夕秋草凋。結根失所成蓬蒿。階下決明獨顏色。
庭前白菊孤丰標。青袍腐生呵護汝。無那秋風復秋雨。

願移太古陰崖巔。風雨不到長延佇。
今夕何夕秋月白。河漢迢迢情脉脉。
天上雙星太纏綿。人間一劍獨躑躑。
身無羽翼渡天閭。投壺玉女難依傍。
短飛離離勿復道。蟬蛸知我之心腸。

資之水五章

資之水。腴以清。黃冠披披阿父行。時平屋角無吠犬。
歲晚烟火炊新秔。今年悲歡不可道。急溜穿隄麻麥掃。
雖無黃金換米歸。莫令白髮增秋老。山中蕨簞可承
浦中魚。寒可醫。天涯慘澹祿養薄。欲歸不歸長抱膺。

資之水悠以遠阿叔鬚眉何款款千金散盡不迴顧五十歡怡無憤懣今年浮家蘆荻洲洲水倒灌使人愁稻花菜甲老蛟沫男啼女哭寒蟬秋江南凋官無錢江西饑民無田褰衣乞米欲何向湯湯鄰國心交煎

資之水渙以遭羣弟憶我心忉忉前飛鵝鷓蔽道路下有蛟龍噴風濤今年禾黍無消息天寒日暮清淚滴澹泊空囊無舊儲顛倒短褐有新窄官催租致爾辭盜橫戈閉爾扉有衣有食不訾省今茲饑凍慎所爲

資之水窮以深野花山葉姊垂簪春廚宛宛理鹽韭秋

夜。攢。攢。調。杆。砧。今。年。風。濤。吹。破。屋。一。姊。卧。病。一。姊。哭。長。
跪。姑。前。勸。食。眠。且。向。夫。家。把。犁。犢。嫁。時。衣。米。可。沾。耳。邊。
璫。薪。可。呼。爲。男。爲。女。各。努。力。拙。哉。鄰。婦。鳴。聲。悲。
資。之。水。汙。以。黃。蓬。髮。垢。面。兩。嫂。婦。一。曲。愁。聞。寡。鵲。操。干。
寒。坐。鎮。青。女。霜。今。年。村。落。濤。奔。擊。畦。東。畦。西。無。半。粒。本。
留。性。命。爲。遺。孤。欲。赴。風。波。梗。殘。息。採。于。薄。莫。離。離。灌。于。
園。蔬。菲。菲。艱。難。自。食。得。不。死。吁。我。知。嫂。之。德。徽。

廣杜少陵莫相疑行

海。蕩。蕩。兮。川。滄。朝。山。峩。峩。兮。培。塿。包。男。兒。墮。地。知。結。交。

酒龍詩虎紛周遭。君欲謁玉皇。我其拂拭珮與裳。君欲
禮地示我其供奉。酒與漿。猛虎蹲汝前。黿鼉躡汝後。迷
陽刺汝脛。射工伺汝首。汝哭亦哭。汝歌亦歌。兩草一心。
金石老兩鳥。一鳴風雨和。倉浪之天。乍秋乍春。有女如
花。亦霜亦塵。世間何處無彼此。小人記憶君子呻憫憫。
默默向誰道。肝腸九轉如車輪。君不見道旁柳。一榮一
枯。枝不守。君不見天邊月。一缺一圓。光不沒。人生幾何。
惟此友朋愁。如回斃兀。若含醒。牽牛織女。一水盈盈。海
上三山。不可合併。疑余睇兮參辰間。淚如河兮不可刪。

昔爲連理。今斷根。中夜起坐思吾愆。

反將進酒

君不見平津侯。君不見孟嘗君。曲學難招瑚璉士。高材
何與雞狗人。君不見蒙邑叟。君不見顏氏子。南華不知
人世愁。一瓢未擬旦夕死。君酒如黃河。我心如白雲。百
年不飲君之酒。君雖不諒神所忻。娟娟童稚讀我文章。
勉。勉。妻孥。澣我衣裳。內不戚戚。外不怯怯。雷耶。霆耶。忽
陰。忽。陽。虎耶。豹耶。忽。奇。忽。常。草耶。木耶。忽。露。忽。霜。眼前
紛紛何足道。獨夜哀歌未云好。杜康一去幾千年。誰能

解我之懷抱。飲君酒者。君之爪牙。炙手可熱。齒呀呀。不
飲君酒。其道疵瑕。青天白日。遭掄抑。嫫母衣錦。千婀娜。
唐突西施。無不可。甯作秋江之芙蓉。不願春園之垂朵。

秋夜長三章章五句

秋夜長。梧桐滿地。明月黃。君子去矣。天一方。山高崔嵬。
水泱泱。憾無兩翼。凌雲翔。

秋夜長。蟋蟀啾啾。依我牀。君子去矣。在蒼茫。角枕如水。
衾如霜。夜夢見之。醒難詳。

秋夜長。羅襦寶帶。抱寒光。誓當百年守空房。君子歸來。

聊。徇。徺。君。子。不。歸。毋。慨。慷。